

道

太宗文皇帝實錄卷之八十一

永樂十年春正月丙戌朔上御奉天殿受
朝賀大宴文武群臣及四夷朝使戊子封
右軍左都督吳允誠為恭順伯賜勅諭曰爾
之忠誠久而弗渝昨歲從朕北征益克効力
妻子亦能秉心忠孝不惑憚邪非爾德刑于
家何以致是比閣脫赤等叛亡爾率先追捕
斬獲有功雖古名將何過哉今特封爾為恭
順伯賜誥命冠服銀鈔綵幣歲祿一千二百

石服茲菜命益懋忠勤欽哉 刑科都給事
中曹潤等劾奏定國公徐景昌趨朝不循禮
又縱家奴犯法乞垂懲戒 上命以所劾章
示之且令從師講學勿預政事 己丑刑部
都察院六科劾奏天下朝覲官千五百餘人
云一府一縣之中有勘合更數年不完者請
付法司治之 上命各部條具勘合已完未
完并各官姓名來聞惟八十員勘合皆完
上曰此八十八人蓋克勤於官命禮部各賜鈔五

十錠復職除未完者亦姑宥復職 上復問
鴻臚寺及六科曰前日命朝覲官言民瘼已
言者幾人對曰百五十人 上曰一郡一縣
未必都無一事可言都無一民不安盡今日
皆須言絀黜者罪於是各官悉上所言命六
部議行之曰便於民者即行言有不當勿問
辛卯享 太廟 癸巳勅勞鎮守貴州鎮
遠侯顧成曰朕久不見卿寤寐弗忘特賜鈔
三千貫卿其強食自愛 福建福州府閩清

縣糧歲皆分運福州鎮東二衛本縣相近福州而赴鎮東涉海洋福清甚近鎮東乞各從近便運納廣西太平府都結州言本州糧歲運納太平守禦千戶所陸行四百餘里山谿險阻運載甚艱南寧衛至本州河通舟楫乞運納南寧為便並從之 甲午以大祀南郊上御奉天殿文武群臣受誓戒 乙未兩淮都轉運益使鮑渾等言近年朝廷以營造召商中納北京益糧仍令各處罷中往歲所中益

亦令停支今淮揚二府人民每歲食鹽五萬餘引亦宜暫停候北京罷中然後給與從之 山東濟寧州同知潘叔正言兗州東昌定陶等縣地曠民稀青登來諸郡民多無田宜擇丁多者分居就耕蠲其後三年庶地無荒蕪民不失業從之 河南洛陽縣知縣姚弘言本縣舊有水田二十餘頃歲輸粳米後伊河水低不能灌溉今為陸地每歲人民皆易粳米輸納乞令納粟廣東樂昌縣知縣徐善

恋言本縣耕農多稻少麥歲以稻易麥輸官
請自今止令輸米並從之 丁酉大祀

天地于南郊 上還御奉天殿文武群臣行慶
成禮 戊戌以郊祀禮成大宴文武群臣及
四夷朝使 郅王棟還國賜之鈔幣并賜其
從官鈔有差 庚子元宵節賜文武群臣宴
聽臣民赴午門外觀鰲山三日戶部尚書夏
原吉侍其母往觀中官以聞 上曰此賢母
也命中官賚鈔二百錠即其家賜之 壬寅

上諭吏部尚書蹇義等守令一郡一邑之長肯
人毋戒數易蓋牧守之寄甚重須久於其職
比聞諸司以造作雜務輒差正官意在成事
之速此俗吏不識大體自今一應公務不許
擅差守令俾專理民 癸卯復設陝西金州
千戶所東洋西洋二關 甲辰遣指揮康壽
賚勅往諭罕東時安定衛奏罕東土酋屢為
寇盜掠安定民三百戶復糾合西番無賴阻
截關隘剽掠不已故遣勅諭其酋長俾悉還

所掠且戒飭自今能悔過遷善庶可宥罪
播州宣慰司宣慰使楊昇遣兄亮貢馬賜昇
自今百兩金織綺衣一襲錦綺十匹別賜亮
白金文綺襲衣 保靖宣慰司宣慰使彭勇
烈遣人貢馬賜之鈔幣 思州宣慰司宣
慰使田深母楊氏來朝貢馬乙巳趙王高燧
還北京 上及 皇太子皆有賜賚 皇太
子親送之江東門 丙午改戶科給事中趙
惟恭張莘裴宣劉幹李節於刑科庚貞高英

於兵科 寧夏總兵官安遠侯柳升械送叛
賊察罕反等至京師誅之察罕反本韃靼人
初為寧夏中護衛小旗同都指揮毛哈刺等
逃居塔難山至是率賊黨至紅山站及察罕
腦兒之地殺掠居民官軍追之生禽察罕反
等七人殺鎖只耳仄等十九人盡獲其馬臚
輜重餘皆散走 山西布政司左布政使周
琮言大同地臨邊塞居民鮮少都司歲用馬
草皆令太原平陽澤潞運給往復二三千

地多險峻車牛運載艱難往往於大同買草輸官價直翔貴民用困乏而大同所屬天城陽和等衛地皆平川秋多青草乞令以時採貯往給大同以平陽澤潞諸郡縣草儲於旁近驛舍從之 丁未陞國子司業趙季通董子莊為趙府長史勅曰朕于趙王年少不務學問所行多愆禮度今簡爾等為長史宜悉心輔導諭以德義使博究經史以知古先聖賢之行事及脩身齊家治國之道屏絕邪佞

親近忠良隨事規誨務歸于正以承藩輔之重 祖訓云凡王國文武之臣能守正規諫助王保全其國者毋輕易凌辱朝廷聞之亦以禮待爾等慎毋阿順苟容畏縮不言以負朕任之意 勅都督費義尚書宋禮領舟師運糧赴北京 命故大寧都司都指揮同知趙麟子慶雲襲父舊職為羽林前衛指揮使虎賁左衛指揮僉事呂海子斌金吾後衛指揮僉事胡金子貴俱襲父職羽林前衛指揮

同知陳旺姪廣襲陞指揮使衡真子聚李旺
姪通俱襲指揮同知金吾左衛正千戶干貴
子官音保金吾右衛正千戶龐經子弘旺俱
襲陞指揮同知金吾左衛副千戶吳那住弟
敬襲陞指揮僉事 戊申都察院左僉都御
史劉翥等劾奏中軍都督郭義尚寶司少卿
朱琇

孟春時享 太廟無改不陪祀命鞫之 已
酉巡按山東監察御史許堪言去秋衛河水

溢河岸低窪之處四散漫衍其時雖略脩理
今已復有倒塌者自臨清至直沽大率皆然
乞勅有司預期脩理 上命工部移文尚書
宋禮相度措置 陝西隴州言民飢命戶部
發州倉粟萬二百三十石賑之 河南靈寶
永寧二縣永樂八年民糧尚虧七萬一千四
百餘石今歲復值旱災乞折輸鈔帛山西平
陸縣言縣山高土薄連歲旱澇民食不克乞
以八年九年糧折輸鈔帛並從之 庚戌雲

南景東等府土官知府陶幹等遣人貢馬賜
鈔幣有差 命國師班丹藏卜為灌頂淨覺
弘濟大國師禪師把奔為慧慈弘應國師湛
查為淨慈佑善國師包刺麻為淨覺弘慈國
師 辛亥山東都指揮吳旺以公事決人致
死不以實聞法司劾旺當斬 上以非私事
姑宥之 壬子魯王肇輝來朝 陞涼州衛
都指揮千百戶鎮撫保住等二十四員各一
級賞賚有差以捕殺叛虜闊脫赤等功也

上以奸民好訟由無恒產而北京尚多閒田乃
下令法司越訴雖得實而據律當笞者免罪
令挈妻子從北京良鄉涿州昌平武清為民
授田耕種依自願為民種田例給路費三年
始供租調誣告犯徒流笞杖者亦免罪挈妻
子徒盧龍山海永平小興州為民種田不給
路費一年供租調其誣告十惡及機密重事
不在此例 癸丑貴州宣慰司宣慰使安卜
葩遣人貢馬賜之鈔幣 山西蒲州稷山河

津滎河等縣耆老言歲歉民飢採蒺藜掘蒲
根以食而有司徵賦甚急乞賜寬貸

上聞之惻然命戶部遣官馳驛賑濟其布政司
及所屬郡縣官蔽不以聞者悉械送京師論
罪 甲寅陝西淳化縣及河州軍民指揮司
俱言本地山高土瘠如有水旱田禾不登今
年稅糧乞折輸鈔從之 是月置濟寧州南
城垣 二月丙辰朔給授吏部尚書兼詹事
府詹事蹇義戶部尚書夏原吉言禮部尚書

呂震兵部尚書兼詹事府詹事金忠兵部尚
書方賓翰林院學士兼左春春坊大學士胡
廣右春坊大學士兼翰林院侍讀黃淮右春
坊右庶子兼翰林院侍講楊榮左春坊左諭
德兼翰林院侍講楊士奇右春坊右諭德兼
翰林院侍講金幼孜誥命并封贈其祖父母
父母及妻如制盖特恩云 丁巳遣官釋奠
先師孔子 戊午祭 太社大稷 遣官祭
先農 己未賜灌頂淨覺弘濟大國師班丹

藏卜等宴 庚申山西猗氏縣耆民張彥清
等言累歲旱澇田禾不登乞以八年九年逋
租折細鈔帛 上諭戶部臣曰田有定租農
安得歲常全收有司但知科征而已民非甚
不得已豈肯自言今累歲旱澇衣食必不給
鈔帛何從而出宜悉除之其永樂八年以前
逋租 禮部會試天下舉人奏請考試官
上命翰林院侍講楊士奇金幼孜考試賜宴禮
部 命劉素為中書舍人素中書舍人彥銘

之子時彥銘歷官三考倒陞從六品 上命
仍舊職致仕而月給六品俸又命素承父職
盖特恩云 壬戌勅靖江九輔國將軍贊億
曰監察御史言爾交通衛卒以錢貸民多取
利息至擊人妻孥逼脅鬻居以償所負右畜
馬乘不察於雞豚伐冰之家不畜牛羊百乘
之家不畜取歛之臣國家舊制四品以上官
不得與民爭利汝宗室之親乃恣肆如此乎
果爾所為則赴京面陳若左右小人假爾名

為之即械送京師 勅諭兵部及各處總兵
官英國公張輔等曰朕即位以來武職犯罪
情有可矜者屢出宥之而近年犯者愈多
又皆謫戍邊使立功自贖無非欲其涉艱難
省已悔過以保命之其自永樂^十年二月初七
日以前有犯笞杖徒流遷徙罪名皆宥復職
更械約之如復恃恩與功再犯必誅不赦
置河南衛命兵部凡今北京之民見在遠衛
為軍者遇有亡故其戶丁就於河間新衛補

伍原衛別調人補之 設湖廣靖州五寨長
官司之杜望巡檢司雲南臨安府之倘甸驛
蒙自縣蒙自驛花文驛梨花舊市驛寧遠州
之者隆驛 癸亥勅宣府總兵官武安侯鄭
亨等曰北闔黃羊野馬俱望西行或是失控
干阿魯台之衆向西行則寧夏山西不可無備
爾等更須嚴兵勿怠 乙丑勅甘肅總兵官
駙馬都尉西寧侯宋琥曰閣脫赤等逆叛都
督吳克誠可嘉今已進封為恭順伯其都

指揮保住等俱陞一級各賜採幣可依等弟
給之其諸降及新附者爾與豐城侯李彬熟
計悉送北京須設法隄備毋致逃竄 給授
太子少師姚廣孝及其祖父母父母封贈誥
命 命武當山道士孫碧雲為道錄司右正
一不任以事 丙寅永昌等衛所鎮撫好帖
木兒等進馬賜鈔千錠綵幣十疋 戶部言
湖廣五寨長官司樂濠等七洞人民歲珠砂
近因苗賊殺虜死亡者衆累歲有虧 上命

除之 戊辰給授鴻臚寺卿任添年少卿崔
得霏誥命 命禮部尚書呂震諭考官楊士
竒金幼孜曰數科取士頗多不免玉石雜進
今取毋過百人其務精擇收散木累百不若
得良材一株也 命金吾左衛故指揮同知
弗家奴子官興襲陞指揮使金鑄姪鼻襲指
揮同知劉源子海代職燕山右衛指揮僉事
董貴子興府軍後衛指揮僉事錢興子順大
興左衛指揮僉事郭興子旺俱襲指揮僉事

羽林前衛千戶周卯生子興襲陞指揮同知
閔十二子勝襲陞指揮僉事 庚午伊王攝
楚世子孟烷來朝 初平江伯陳瑄充總兵
官都督宣信副之率舟師海運糧餉赴北京
辛未置河間衛經歷司經歷一員 癸酉
申戶部郎中李壽為河南布政司右叅政刑
部司務劉昭敬遣官致祭克妃楚王榘母也
伊王攝楚世子孟烷還國各有賜賚并賜
其從官鈔有差 巳亥琉球國山南王汪應

祖遣使臣阿勃吾斯古貢方物賜之鈔幣
廣東信宜縣根竹洞徃首陸仲八等來朝賜
衣及鈔 丁丑改戶部右侍郎王彰為都察
院右副都御史陞禮科都給事中陸禎刑科
左給事中耿通為大理寺右寺丞右寺丞馬
麟為左寺丞 戊寅調山東都指揮僉事王
雄為三萬衛備禦 以莊敬河南布政司右
叅政敬初任廣東左叅政坐罪當戍邊上章
自陳願改過自新 上憫之故有是命 巳

卯賜琉球國山南王使臣阿勃吾斯古等宴
陸鎮守泗州都指揮同知靳榮為山東都
指揮使 庚寅遼王植有罪削其護衛及儀
衛司給軍校厨役三百人備使令 上以甘
肅軍官所用糧多百姓轉運煩勞命戶部減
涼州鹽糧則召商中納以供軍餉待糧用充
足則仍其舊於是定納涼州鹽糧淮浙鹽每
引三斗五升河東每引二斗四川每引一斗
五升 辛巳禮部奏會試天下舉人得林誌

等一百人賜其考官宴于本部 壬午命金
吾右衛指揮使曹連子傑金吾左衛指揮同
知侯仲良子清指揮僉事范遠姪成各襲其
職千戶高仲得子忠襲陞指揮僉事 癸未
居太平府都督桑哥失里弟完者克貢駱駝
賜鈔二百錠綵幣六表裏貯綵綾衣各一襲

太宗文皇帝實錄卷之八十一

太宗文皇帝實錄卷之八十二

永樂十年三月乙酉朔 上御奉天殿試禮

部選中舉人林誌等百人及前科未廷對舉
人林文灃等六人制策曰朕奉承宗社統御
海宇夙夜祗畏弗遑底寧以圖至治于茲十
年未臻其效慮化未洽謹之以庠序之教慮
養未克先之以足食之政慮刑未清詳之以
五覆之奏求才備薦舉之科考課嚴黜陟之
令然厲俗而俗益媮革弊而弊不寢若是而

欵躋世泰和果何行而可六經著帝王為治
之迹易以道陰陽專名數者或流而為災異
尚理致者或淪而為清談書以道政事語知
行則何以示其端論經世則何以盡其要詩
以道志也何以陳之於勸懲黜陟之典春秋
以道名分也何以用之於閉陽縱陰之說禮
以道行而樂以道和也何以道同六經而用
獨為急夫道一原而治有全體推明六藝講
議異同行則美矣何以一歸于雜雅歌擊磬

執經問難志則勤矣何以未復乎古討論文
籍考定五經可謂勞矣未足以致大治更日
侍讀質問疑義可謂偉矣僅足以成小康迨
夫五緯集奎文運斯振儒道光闡聖經復明
較之往迹何勝何負蓋為治之道寬猛相濟
各適其宜太宗寬厚長者務崇德化致足尚
矣而言者謂不若中宗之嚴明顯宗法令分
明幽枉畢達嚴足尚矣而言者謂不若肅宗
之長者論治若此其將孰從夫博聞經學之

士有以應變子諸生蒞之有素其於為治之
要時措之宜悉心以陳毋徒泛泛朕將親覽

丙戌命都指揮使田榮都指揮僉事王智
丁雄任河南都司都指揮同知李榮都指揮
僉事秦英熊泰劉旺任陝西都司都指揮同
知趙辛都指揮僉事劉忠任山東都司都指
揮僉事趙雄吳旺任雲南都司都指揮使齊
榮任廣西都司都指揮僉事田文張名任湖
廣都司都指揮僉事夏成任四川都司都指

揮僉事陸榮任中都留守司都指揮僉事王
友掌彰德衛都指揮使李英掌荊州衛都指揮
僉事王剛掌荊州左衛都指揮僉事李榮掌
九江衛 丁亥魯王肇輝還國賜賚特厚并
賜其從官鈔有差 潘王模第八子生賜名
信焯 命農城侯李彬克總兵官率兵討甘
肅叛寇捌耳思朶羅歹等恭順伯吳允誠都
指揮劉光史昭滿都悉聽制 浙江布政司
右叅政劉思中以病免 戊子 上御奉天

殿閱舉人對策擢馬鐸為第一賜鐸等一百
六人進士及第出身 巳丑賜進士馬鐸冠
服銀帶餘各賜鈔五錠仍賜宴于會同館

庚寅 上御奉天殿進士馬鐸等上表謝恩

辛卯賜烏思藏僧官丹竹領占等鈔及禪
衣等物 夜有星如盞大青白色有光出庫樓

南行至近燭後三小星隨之 壬辰鑄征蠻

將軍印 癸巳命第一甲進士馬鐸為翰林

院脩撰林誌王鈺為編條進士內原習譯書

蔣禮趙勗徐俊何賢潘勤黃裳羅興楊榮張

觀王觀馬馴王橫劉濬胡讓邵暹米顯方復

為庶吉士仍隸翰林院餘第二甲三甲進士

分理刑部都察院理刑 四川石砭宣撫司

水平洞五路故土官男明虎等貢馬俱賜鈔

幣 定州衛軍趙四獻馬產駒有肉角類麟

陞四為小旗賜鈔一百錠絹四疋 夜有星

如碗大青白色有光出尾宿東南行至雲中

後小星隨之 甲午夜犯轅軒大星 乙未

秦王尚炳薨 陞大寧都指揮同知周興遼
東都指揮同知齊安俱為遼東都指揮使
陞河南都指揮僉事俞春為都指揮同知命
致仕居北京仍給本俸 兀速麻河等處女
直野人頭目把失等十三人來朝命把失等
為法因河衛千百戶所鎮撫賜冠帶襲衣鈔
幣京州等衛指揮僉事虎保等貢馬鈔幣有
差 丙申雲南布政司左叅議呂名善言武
定尋甸廣西三府居民繁庶請設學校從之

上謂禮部臣曰學校風化所係人性之善蠻夷
與中國無異特在上之人作興之耳 增置
應天府都稅司副使二員分管三山門外沿
河塌房官稅 丁酉陞寧夏指揮使閔俊為
陝西都指揮同知寧夏右屯衛指揮同知芦
保為陝西都指揮僉事俱掌原衛事 戊戌
女直野人頭目阿剌孫也兒怯等來朝賜之
鈔幣 庚子命金吾右衛指揮使王顯子斌
指揮同知羅榮子全金吾左衛指揮同知任

得子聚劉成子興朱能子英羽林前衛指揮
同知王士成子春孝陵衛指揮僉事周原子
宗俱代父職故燕山前衛指揮同知李安姪
貴金吾左衛指揮同知錢敬姪通指揮僉事
小田子廣府軍衛指揮僉事張山子春俱襲
職燕山前衛千戶劉信子海濟陽衛千戶崔
領真子俊俱襲指揮僉事 辛丑雲南廣西

府土官知府阿覺鎮康州土官知州曩光孟
璉長官司長官刀懷罕特令土官班野騰衝

千戶所土官千戶汪用洱海衛土官百戶楊
祥鳳溪長官司長官馬牙各遣使貢馬及方
物賜鈔及文騎表裏有差 陞羽林前衛指
揮使失列吉為都指揮僉事金吾左衛指揮
僉事散住為指揮同知正千戶伯顏帖木兒
為指揮僉事金吾右衛指揮僉事添保為指
揮同知正千戶添保為指揮僉事 壬寅改
尚寶司丞陳善為廣東道監察御史 癸卯
陞太醫院判陳克恭為本院使御醫韓公達

為院判 命陝西布政司左叅議白彥芳署
工部事 賜漢北來歸韃靼尼刺反等宴

甲辰 命都指揮使周興都指揮同知王欽任
江西都司 以水災蠲北京所屬郡縣租稅

乙巳 遼王植第九子生賜名貴燭 夜有
星大如彈丸五尺許發光如盞大青白色光
燭地出左操西行至北斗旁後二小星隨之

丁未 擢翰林院習書秀才朱孔賜為中書
舍人仍隸翰林院書制勅 移濟寧州遞運

所及南城水驛於城南 都指揮程忠等使

哈密還忠義王免力帖木兒遣陪臣阿都兒

火者貢馬謝恩賜鈔千錠文騎二十疋哈的

蘭之地回回賽因哈等來朝貢馬賜賚遣歸

戊申 勅武義伯王通等曰天壽山營建將

完工匠役久戶無次丁者悉遣歸仍命所過

官司給行糧 擢翰林院習書州判張同庶

吉士胡敬監生程玖秀才沈祭許鳴鶴王益

端朱暉楊本陳宗淵龐振舒章昞如並為中

書舍人仍隸翰林院書制勅 改戶科給事
孫英於刑科 修浙江溫州府平陽縣杆潮
隄岸 河南汝寧府遂平縣山水夾河堤
沒田四十餘頃被災一百三十六戶事聞
皇太子遣人賑恤之 乙酉陞廣東道監察御
史裴璉為右春坊右中允許勝為左春坊左
司直郎 庚戌雲南元江軍民府致仕土官
中旺等三十九人貢馬及金銀器賜襲衣銀
鈔錦騎有差 交趾大原府同知貢深言交

趾官吏多有挈家來者或死於中途或殃於
所任所遣妻妾路遠不能窘於衣食徃徃服
未終而改嫁有傷風化今後應有已故官吏
妻妾官為續食遞送還鄉守制庶全人倫厚
風化從之 辛亥代世子遜熾來朝 壬子
失里錦等衛女直野人頭目桑歌失里哈等
五十一人來朝命為指揮鎮撫千百戶悉賜
鈔幣 湖廣按察司副使康郁劾奏布政司
右叅政龐勉置船賃載屬郡民稅以苟利不

可以居方面命刑部進鞫之 癸丑賜翰林院學士兼左春坊大學士胡廣等五員二品金織紗衣各一襲 甲寅順天府為正三品官制視應天府陞知府張貫為府尹同知嚴節為府丞通判王勉為治中其大興宛平二縣俱陞正六品

夏四月乙卯朔享 太廟丙辰秦王尚炳訃聞上輟視朝三日遣官賜祭謚曰隱命有司治喪葬 皇太子親王俱遣祭 設祿谷長官司

隸雲南鎮沅府其地本祿平寨時鎮沅府刀平請設致所故有是命 丁巳陞鴻臚寺左寺丞許廓為工部右侍郎 韃靼危刺反奏願居北京從之賜予如例 戊午改吏科給事中張宗義於兵科雲南左叅議呂名善於陝西布政司福建按察司僉事胡恪於河南按察司 庚申浚北京通流等四閘河道共一萬七百三十七丈 壬戌尚書宋禮奏近因監察御史許堪言衛河水患命臣相度楷

置臣嘗自衛輝至直沽視河岸低薄非止一處竊謂若不究其源析其流但務修築隄岸恐水復衝坍不免連年動民力今欲除患須定長久之計臣先視會通河至魏家灣與土河相連宜於彼開二小河以泄於土河則雖遇水漲下流衛河自然無慢衍之患見已分撥軍夫用功且視德州城西北亦可開泄水小河一道蓋自衛河岸東北至舊黃河一十二里內五里舊有溝渠五里係古路二里係

平地今開通泄水以入舊黃河則至海豐縣大沽河入海凡四百五十七里約用軍夫三千餘人十日可完 上諭工部臣曰禮所言誠當但今農務方興可令候秋今天氣已暖自開平至懷來宣府萬全興和各山頂皆置五砲架有警即發庶易為隄備 徒廣寧衛鉄山馬市於圍山以水草便故也 都察院右副都御史王彰等言肅州衛寄居回回指揮哈剌馬牙殺御史陳錡都指揮劉秉謙大

掠而去由陝西按察司僉事馬英激之當寘
英大辟命磔於市 江西安仁縣知縣曹閔
奏天下府州縣俱有惠民藥局養濟院而本
縣久廢請復開設從之 甲子 上謂兵部
臣曰朕用心馬政有年戒諭所司亦至矣而
蕃息之效未聞今當孳牧之際其飭勵太僕
及各都司衛所管馬官各盡乃心歲終具實
數來聞當考勤怠施賞罰焉 都察院右副
都御史王彰等言監察御史陳孟旭受賕枉

法當絞文獻盜課銀當斬 皇太子曰御史
執法而違法如此罪之如律 乙丑慶成王

濟炫來朝 涼州衛都督同知柴樹力哥等
七十七人來朝貢駝馬賜鈔幣有差 福餘
等三衛指揮使喃不花等如勅書遣人納馬
贖虜掠邊卒之罪 丙寅命故山東都司都
指揮同知童興子貴襲父原職為羽林前
衛指揮使羽林前衛指揮僉事脫不花撫州
奴襲指揮同知金吾左衛指揮使閔勇子榮

金吾右衛指揮使許貞子廣金吾前衛指揮
僉事孫讓子貞大興左衛指揮僉事古訓子
銘各襲父職 丁卯四川益興井竈丁言本
井歲辦鹽八萬二千斤近年崩塌脩淘不通
致虧課額今潼川州鹽亭縣舊有長農天成
二井可以備辦請命開煎從之 戊辰唐王
桎第四子生賜名瓊烜 勅兵部給慶成王
濟炫三典校校尉 己巳哈的蘭回回僧人
馬黑蛮哈密回回百戶阿馬哈等來朝貢馬
及玉璫賜賚有差 庚午命築遼東開原西
門土城以處韃靼之歸附者 朝鮮國王李
芳遠遣陪臣閔海翼等琉球國中山王思紹
遣使坤宜堪彌等貢馬及方物賀

萬壽聖節賜鈔及文綺表裏有差 河南許州
襄城長葛臨隸郟城泌陽等州縣飢民命戶
科給粟賑之凡給萬二千五百二十六石
辛未 萬壽聖節 上御奉天殿受賀大宴
文武群臣及四夷朝使 癸酉戶部言浙江

臨海縣民因水災虧兑益糧萬三千一百八十餘石請令以鈔折輸上曰既被水災當思寬恤其蠲除之甲戌涼州衛都督僉事哈刺你敦男阿魯卜里都指揮僉事扯扯不花等及遼東自在安樂二州指揮僉事賈你等來朝貢馬悉賜鈔幣衣襲山西平陽翼城等郡縣飢遣戶部員外郎孫恪賑之凡十六萬九千六百餘戶給粟三十一萬四千二十石有奇丁丑命戶部歲給慶成王濟炫

祿米二千石建陽衛都督僉事失秃兒等貢馬賜之鈔幣戊寅給賜灌頂淨覺弘濟大國師班丹藏卜慧慈弘應國師把奔慈智禪師洗罕宛卜等誥勅己卯忽門石衛指揮僉事兀丁哥建州衛副千戶可奚等詣關自陳願居遼東自在安樂二州從之鈔幣并賜其從官鈔有差賜在京文武百官夏布有差命翰林院學士兼春坊大學士胡廣等五員同尚書擢進士胡槩肖常郭廉吳斌

戈謙鄧其何楚英傅良何忠張順周健李曰
良王鉉郭振金祥魯琛朱敬喬良鄧義陳子
倫林衡謝升張昱監生張勤龍景亨趙文姚
悅濮陽恭任旺祝和陳恕郭端賈節趙益廖
睿周毅李善楊俊張斌為監察御史 癸未
錄征勦胡寇功陞山西行都司都指揮同知
張傑為都指揮使羽林前衛指揮同知張忠
燕山前衛指揮同知成忠金吾左衛指揮同
知王恕金吾右衛指揮同知李源燕山左衛

指揮同知閔蛮蛮俱為指揮使金吾右衛指
揮僉事王能觀音保盧八禿兒燕山左衛指
揮僉事劉得俱為指揮同知 命故山西都
司都指揮僉事張義馬家驢襲父原職為金
吾左衛指揮使羽林右衛指揮使孫能子海
羽林前衛指揮同知楊斌弟清通州衛指揮
同知李敬弟斌各襲職 山東萊州等府饑
命戶部遣官發粟賦之計粟五十八萬三千
八十石

太宗文皇帝實錄卷之八十二

太宗文皇帝實錄卷之八十三

永樂十年五月甲申朔賜在廷文武百官扇

乙酉瓦剌順寧王馬哈木等遣其知院海

答兒等隨指揮孫觀保來朝且言既滅本雅

失里得其傳國璽欲遣使進獻慮為阿魯台

所要請天兵除之又言脫脫不花之子今在

中國請還之又言其部屬伯顏阿吉失里等

從已多效勞力請加賞賚又言瓦剌士馬整

肅請軍器上曰此虜驕矣狐鼠輩不足與

較命禮部宴賚其使者而遣之仍命遣使賚
勅諭馬哈木太平把禿孛羅 設交趾大蠻
縣之北哈溪籠縣之谷冊二巡檢司 巡按
北京監察御史言宣府萬金左右懷安興和
五衛所官軍俸糧歲往大同關給道里遼遠
往復艱難今山西商民於順天府中納鹽糧
宜令順塗就各衛輸納為便從之乃命宣府
存留商民中糧一萬石備官軍俸糧餘輸北
京 都察院右副都御史王彰等言金吾右

衛指揮李嚴逐母不養變更舊制盜官庫物
奸污婦女等罪 上曰不須論他罪只逐母
不養豈可復容命磔于市 丙戌修北京山
川壇及功臣廟 上謂禮部臣曰佛道二教
本以清淨利益群生今天下僧道多不守戒
律民間修齋誦經動輒較利厚薄又無誠心
甚至飲酒食肉遊蕩荒淫畧無顧忌又有一
種無知愚民妄稱道人一聚蠱惑男女雜處
無別敗壞風化洪武中僧道不務祖風及俗

人行瑜珈法稱火居道士者俱有嚴禁即揭榜申明違者殺不赦 如來大寶法王哈立麻遣其徒揚班丹等貢方物賜鈔幣有差 丁亥賜哈密忠義王免力帖木兒使臣阿都兒火者宴 廣西河池縣民言縣有銀曠大發長沙府民言其鄉產銅發民採煉可獲厚利 上曰獻利以圖僥倖者小人也國家所重在民安不在於利皆斥之 戊子端午節賜文武群臣宴 己丑懿文太子第四女薨

賜祭贈南平郡主命工部治喪葬 勅鎮守興和都指揮王喚等曰今指揮岳山自虜中還言韃賊有為阿魯台畫計者欲緣邊剽掠宜謹守城守或有以進馬以歸附來者須詳察其實勿遽納之 庚寅修四川棧道 辛卯命慶成王濟炫居蒲州撥太原右護衛中所官軍隨侍 哈密忠義王免力帖木兒所遣阿都兒火者請於其地設僧綱司且請以僧速都刺失為都綱皆從之給賜勅命及印

壬辰夜火星犯右執法 乙未寧化王濟煥
來朝 勅其肅總兵官豐城侯李彬所獲叛
賊閻脫赤人口就給原獲官軍馬駝令軍衛
牧養 擢池州府推官彭存善為監察御史
四川按察司副使周南言重慶府所屬涪
州并長壽縣見積倉糧五萬餘石每歲所發
不過五百餘石約可支百年今貴州都司各
衛所俸糧俱於重慶民倉支給如將涪州及
長壽倉糧新舊兼支可免朽腐且以蘇民餽

運之難從之 丙申陝西秦州民張原吉鞏
昌臨洮等府夏秋二稅歲令民運甘州其地
相去二千餘里皆陸行負荷及載以牛馱中
途民罷畜死所輸者少而所耗者多乞將夏
秋二稅儲於本處倉遇農隙令旁近州縣運
輸蘭縣倉自蘭縣抵甘州每五十里設一站
或役刑徒或令官軍轉輸庶少蘇民力從之
辛丑命都督僉事費義督運衛輝館陶倉
粟二十一萬一千四百五十餘石赴德州

以水災免河南開封等府縣糧四萬三千四百二十石有奇 哈密指揮虎禿帖木兒千
百戶毋撒來朝貢馬及硃砂賜之鈔幣 壬
寅寧化王濟煥辭歸賜之鈔幣并賜其從官
鈔有差 命金吾左衛指揮同知孟金子興
府軍右衛指揮同知方原子整襲父職 甲
辰江西寧縣大雨山水泛漲漂沒民舍事聞
皇太子令戶部遣人撫恤 丙午思南故宣慰
使田大雅母楊氏率官屬六十五人來朝貢

馬及方物賜鈔文綺紗帛有差 辛亥初

上平定內難命北京之民始終報効者蠲芻糧
徭役給牒為信至是武清縣民百十餘戶
以遣所給牒有司復徵其徭後事聞

上諭戶部臣曰遣牒是下不謹復徵徭役是上
不信不謹其小過不信其失大其悉蠲之
壬子陞中書舍人王遂為左春坊左司直郎
常德府知府馮璿為河東鹽運使延安府同
知趙禮為廣東布政司右叅議 六月甲寅

朔冊中兵馬指揮胡昇女為代世子遜端妃

陞廣東龍水縣縣丞馮源泰為德慶州判

官以其善撫諸徃也 乙卯遣官祭中雷

丙辰廣西潯州大雨江水泛漲壞城垣倉廩

房舍命戶部遣人往視 丁巳禮部言滿剌

加國榜葛舊剌國遣使朝貢將至命差人往

鎮江府宴勞之 戊午建湖廣武當山宮觀

命隆平侯張信駙馬都尉沐昕董其役 巡

按山西監察御史言有訓導經過平陽朝王

王免見遂造王府官飲酒既不見王乃與府

僚交通當逮問 上曰王自免禮固非其不

王見王府官必其交親故造之飲酒叙歡亦

人常情無罪今外夷來朝者與人交易不禁

乃禁人與王府官往來乎不聽 戶部尚書

夏原吉言四川鹽課司樊家二井崩裂宜令

開煎從之 己未湖廣按察司知事胡璉言

常德府武陵縣該徵麥二百四十餘石民居

湖泊不宜種麥乞令納米為便從之 庚申

改陝西道監察御史趙慎為刑科都給事中
韃靼把禿哈刺來歸命把禿為正千戶哈
刺為百戶賜冠帶襲衣及鈔幣等物 浙江
按察使周新言湖州府烏城等縣永樂九年
夏秋霖潦窪田盡沒湖州府無徵糧米十七
萬二千四百餘石所司不與分豁一槩催徵
今年春多雨下田廢耕飢民已荷賑貸而前
年所負田租有司猶未蠲免被迫責日就逃
亡乞遣官履驗以紓民急命戶部亟遣人覈

實蠲免 辛酉遼東建州衛指揮僉事李顯
忠奏塔溫新附人民缺食乞賑貸之 上謂
戶部臣曰薄海內外皆吾赤子遠人歸化尤
宜存恤其即遣人發粟賑之母令失所 壬
戌增建習譯書館二十楹 癸亥賜國子監
琉球國雲南四川官民生懷得等一百三十
六人夏布襪衫條靴 刑部侍郎張本言浙
江送至奸惡鄭公智外親守濂之孫請如法
罪之 上曰濂名儒事 皇考於開創之初

嘗未勞矣其子孫雖奸惡之親而論漁之勞
當宥可宥之遣歸 河南鄆陵臨漳二縣驟
雨河水壞隄岸沒田禾事聞 皇太子遣人
撫視 夜月犯心宿後星 戊辰山西布政
司左布政使周璟言平陽榮河太原交城縣
蝗督捕已絕 上復命巡按御史驗之 庚
午兵部尚書方賓等引奏奉天請難故官子
弟比試襲職 上可之已而復召賓等諭曰
朕適見所引故官子弟比試者不覺愴然蓋

上遣工部主事藺芳按視至是芳言堤當急流
之衝夏秋之交雨水泛漲往往決阨請依新
開河岸捲土為埽樹椿捍禦之庶不至重為
民患從之 湖廣荊州武昌黃州常德漢陽
等府久雨江水泛溢沒民廬舍田禾事聞命
戶部遣人巡視綏撫 壬申浙江按察司奏
今年浙西水潦田苗無收通政居任匿不以
聞而逼民輸稅 上以問戶部尚書夏原吉
原吉對曰比趙居任奏民多以熟田作災傷

按察司之言未可悉信 上曰水潦為災今
皆見之按察司聽妄言乎愚民雖間有為欺
謾者豈可以一二廢千百爾即遣人覆視但
田苗壞於水者蠲其稅民被水甚者官發粟
賑之 滿剌加國王拜里迷蘇刺遣姪西里
撒麻蘭扎牙等貢方物 癸酉陞燕山前衛
指揮同知張信為山西都指揮僉事 禮科
給事中引奏法司所逮至犯人內一二人欲
有陳訴錦衣衛官促之起遂不得陳

上見而知之曰此蒙蔽之弊也在朕前下情尚
不得達况千里之外哉顧錦衣衛官曰繼今
敢復爾者必誅 甲戌勅戶部臣曰朕為天
下主所務安民而已民者國之本一民不得
其所朕之責也故每歲遣人巡行郡邑凡歲
之豐歉民之休戚欲周知也近者河南民飢
有司不以聞而往往有言穀豐者若此欺罔
獲罪于天此亦朕任非其人之過其速令河
南發粟賑民凡郡縣及朝廷所遣官目擊民

難不言者悉追下獄 陝西西安等府老人
詣闕謝賑濟恩命賜道里費遣還又召問老
人今歲禾稼如何對曰來時甚茂 上曰禾
稼雖茂民力未甦凡所借用官糧今年不責
爾償俟下年豐熟令償老人叩頭謝

上命戶部山東山西皆准此例凡經賑濟者悉
免詣闕謝恩 保定侯孟善卒善山東海豐
縣人仕元為山東樞密院同僉國初歸附隸
山中武寧王徐達麾下從王征北授定遠衛

百戶後從隸國公傅友得平雲南陞燕山中
護衛千戶事 上藩邸恭慎無過隨征漠北
與效勞動靖難之初善率兵攻松亭關戰白
溝皆有功已而命守保定敵兵數萬奄至城
下城中卒才數千儲侍空匱外無聲援善固
守敵攻之急善率士卒晝夜立碑間與敵拒
左右矢石交下了無懼色誓以死守敵不能
攻城賴以完事聞遣使嘉勞內難平論功累
陞右軍都督府都督同知封保定侯永樂元

年出鎮遼東遠夷欵附者綏輯備至七年夏
驛召還北京 上見其鬚髮皓白惻然憫之
即日賜告家居至是卒遣官賜祭追封滕國
公謚忠勇 乙亥榜葛刺國王霽牙思丁之
子賽弗丁遣陪陪把一濟等貢馬及方物告
其父卒詔遣使諭祭仍命賽弗丁嗣為榜葛
刺國王賜錦綺紗羅繒綵及襲衣帳幔傘蓋
磁器等物 丙子永和王濟娘廣昌王濟焞
修國子監 上謂工部臣曰太學於國體

甚重者蓋成就賢才之地視他官府須堅緻
弘麗有加爾尚書侍郎亦頻往督視 賜榜
葛刺滿刺加國使臣把一濟等宴于會同館
通政司奏有軍官舍人告襲職者兵部以
其父嘗遇海賊退避為平江伯所戮不當襲
今乞矜憫 上曰官職以報有功豈因可憫
輒與之父有功即子襲職有罪即奪國之通
制今乃敢越制祈恩命兵部發成交趾又召
至前諭之曰爾往交趾能奮勇立功則朝廷

不終棄爾其往勉之 丁丑勅鎮守遼東都督劉江等曰戎狄無信自古而然今阿魯台遣人進貢外似美意其心蓋不可測爾無恃修好輒怠邊備 設交趾諒江州次五社巡檢司 戊寅命北京行後軍督府北京行部量撥軍夫於宣府萬全衛倉運粟二萬石往開平備軍餉 壬午命幼軍無妻室者官為婚配仍給紉質其家

太宗文皇帝實錄卷之八十三

太宗文皇帝實錄卷之八十四

永樂十年秋七月甲申朔享

太廟 丙戌賜在京文武衙門上官燮羅錦被有差翰林院學士兼左春防大學士胡廣等五員賜同尚書 以水災免直隸吳江長州崑山常熟四縣糧十三萬八千六百九十石有奇 順天府言盧溝河水漲壞橋及隄岸八百二十丈及壞官民田廬溺死人畜 上命戶部遣人綏撫工部遣人修築 丁亥永

和王濟煥廣昌王濟煥陞辭皆厚賜而遣之
并賜其從官欵設四川馬湖府沐川長官司
之蠻夷驛 巡按福建監察御史陳智劾奏
福建右布政使張拱辰贓罪命都察院追鞠
之 戊子廣西結倫州土酋馮郎黃等來朝
貢方物賜之欵幣 己丑選在聞韃官教民
畜馬 上諭兵部臣曰朔方多馬固土地所
宜亦其人習於畜牧今韃官聞居者多可選
其老成謹厚者令教民畜養於是兵部奏委

都督薛斌吳誠等選擇其居永平薊州通州
者就留本處教民居真定定州者更番赴順
天等府教民但令教之飲飼之宜若孳息不
及教者無預 夜有星如鷄子大青白色有
尾出狗國旁東南行流丈餘發光大如碗光
燭地至近濁 辛卯寧夏總兵官安遠侯柳
升奏請脩築察罕腦兒舊城河凍之時撥軍
巡邏賜勅報曰脩城之策固善未之城成之
後守者當用幾人人少則難於守備多則難

於餽餉朕意此城不過關防一二逃卒若寇
猝至不能禦之反以資之如何爾更熟議如
果便利即聽修築 癸巳設交趾政平州之
瀾淪海門瓊林縣之斧海門二巡檢司 甲
午鑄永樂通寶錢 丙申冊潞州衛指揮使
徐亨女為華陽王悅耀妃 封耶巴乃那為
賜蘭山國王初亞烈苦奈兒以罪被執 上命
擇其支屬賢者立之至是禮部言詢其國人
咸謂耶巴乃那賢遂遣使齎詔與誥印封之

誥曰朕統承 先皇帝鴻業撫馭華夷嘉與
萬方同臻至治賜蘭山亞烈苦奈兒近處海
島素蓄禍心毒害下人結怨隣境朕嘗遣詔
使諭諸番國至賜蘭山其亞烈苦奈兒敢違
天道傲慢弗恭逞其兇逆謀殺朝使天厭其
惡逆被禽俘朕念國中軍民皆朕赤子命簡
賢能為之統屬爾耶巴乃那脩德好善為衆
所推今特封爾為錫蘭山國王於戲惟誠敬
以立身惟仁厚可以撫衆惟忠可以事上惟

信可以睦隣其欵承朕命永崇天道無怠無
驕爰暨子孫世享無窮之福欵玆時群臣皆
請誅亞烈若奈兒 上曰蠻夷禽獸耳不足
深誅至是赦之亦遣歸 指揮岳山等七十
二人使北虜還進馬四百四十七匹 上以
其奉使勤勞命禮部給欵絹綿布賞之凡給
欵二萬八千三百九十錠絹六百六十匹綿
布一千三百四十五匹 丁酉賜文武百官
西洋布有差 庚子慶成王濟炫奏蒲州居

室弊壞請居汾州從之 辛丑免四川通江
縣茶課三百三十萬四千四百斤有奇以貧
民歲輸不及故也 後軍都督謝祿等言自
古用人皆有預養素教之法是以臨事之際
不廢任使今各衛軍官子弟雖未承襲而皆
有盡用之日閒暇不預教之緩急何以用應
宜及時操練武藝從之 壬寅勅其肅總兵
官西寧侯朱瑄及豐城侯李彬曰其肅土驍
軍民終懷反則宜從入蘭縣就糧已勅總兵

官安遠侯柳升領寧夏騎士二千屯涼州鎮
番以備之爾須預期約會行事西寧衛土官
指揮李英所管番民調其精壯者赴野馬川
防寇漢趙二府暫移其州白城山牧放事畢
復舊以張邦達為河南道監察御史邦達
初任四會縣知縣坐事謫戍邊後以薦出使
榜葛刺還奏稱旨故有是命 癸卯 上謂
都察院臣曰此者朕慮在外諸司行事或於
民有不便間遣中官往詢之未嘗有所委任

况在外有都司布政司按察司及巡按御史
事之當行者所司自行奏請何與中官事比
聞中官多有干與有司事者自今不許即移
文中外知之 甲辰擢吏部郎中鄒濟為左
防左庶子濟寧州學正高壽為春防左中允
中書舍人吳均北京國子監助教黃琮岳州
府學教授趙文為右春防右中允改左中允
孔諤司諫朱璉為監察御史左司直郎許勝
右中允劉子春裴璉為刑部主事 乙巳朝

鮮國王李芳遠遣陪臣李安愚奉箋貢金銀
器賀皇太子千秋節賜之鈔幣丙午

皇太子千秋節免賀禮北京刑部致仕左

侍郎劉辰卒辰字伯靜金華人慷慨負氣好

辯論初文忠鎮浙江東辟辰掌簿書後以親

老辭歸建文忠用薦擢湖廣道監察御史陞

鎮江府知府上初即位脩太祖高皇帝

實錄李景隆言辰涉知國初事召至數被顧問

陞江西布政司左叅政辰居官廉勤未幾坐

累免踰年復起為北京刑部左侍郎而留南

京者三年至是念其老賜勅及鈔文綺俾致

仕時已疾作遣醫送歸出京數日卒年七十

有八辰至於有為然疏略少實云丁未勅

寧夏總兵官安遠侯柳升聞叛虜毛哈刺等

今在斷頭山慮窮寇無食或來擾邊宜嚴備

禦使寇進無所得退則相機追捕須審度之

改河南道監察御史鄒師顏為大理寺左

評事以水免浙江嘉興縣糧三千六百一

十五石 戊申遣中軍官吳賓等齎勅往賜
瓜哇國西王都馬板錦綺紗羅綵絹千匹并
金織文綺靛衣等物 乙酉浙江平陽縣獻
嘉禾百六十四本 上顧尚書夏原吉等曰
嘉禾雖為豐年之祥然今四方數奏水災未
必皆豐宜遣人巡視存卹不可恃此原吉頓
首曰 陛下存心於此實 社稷蒼生之福
陞兵部郎中錢速為福建布政司左叅政戶
部員外郎孫恪為左叅議戶部郎中楊鼎刑

部郎中劉珪兵部主事葉仲賢俱為右叅議
戶部郎中王克禮為福建鹽運司運使仍各
賜鈔為道理費布政司官人六十錠運使四
十錠 以羽林前衛等指揮同知李簡等老
病命興子成薛斌子敬指揮僉事李思溫子
興金吾左衛指揮僉事陳興子聚石玉姪榮
皆代職故府軍左衛指揮使鞏仙子貴燕山
前衛指揮使李士原壻斬土各襲職 庚戌
戶部尚書夏原吉四川鹽課司天山井及南

充縣雲吉井開煎年久歲虧鹽課而潼川州
安岳縣右跡竹筒小井及犄溪竹筒小井比
舊井有增已遣官覆實宜令開煎從之 壬
子代世子遜端皆辭賜賚如例 八月癸丑
朔寧世子磐斌來朝 是日交趾總兵官英
國公張輔駐舟師安謨海口遙見賊舟由大
安入神投海旦率都指揮方政等擊之賊舟
四百餘艘亦出神投海外分列為三時北風
輔都衆衝其中堅賊氣銳甚官軍奮勇直前

與賊聯舟刁槩競進火器迅發賊不能支即
開船走官軍追躡之相與鈎連殊死戰自卯
至巳賊大敗生禽偽翊衛大將軍陳磊龍虎
將軍鄧汝戲黎目金吾武衛威衛寧衛等將
軍校尉安撫團練巡檢等使阮林等七十五
人及其餘從賊千餘人斬溺死者無算賊黨
阮師等望風奔潰輔唾督軍出海追之不及
而還磊等四十人被重創皆斬以徇檻送鄧
汝戲等三十五人赴京師 丙辰 上謂兵

部尚書金忠等曰皇太孫年長有志略朕令其學問之暇兼講武事其遣人往直隸應天及江北鳳陽滁和等府州北京山東山西陝西河南四川湖廣境內選民間子弟年十七至二十勇捷有才藝者官給路費廩食送京師俾充隨從 勅勅北京提督養馬官曰朕於馬政用心滋久但爾等不體委任之重恣意貪害務私背公使軍士疲於供給不得休息孳牧飼養咸失其時致馬死傷者多孳生

者少國家虛費錢穀訖無實效其即隨公考驗軍士有用心養馬孳生及數者人賞鈔五錠不可冒濫其提督官若仍循舊幣不悛改者罪不赦 丁巳遣官釋奠先師孔子 陞禮部主事楊砥為北京行大僕寺卿 戊午祭 太社 太稷 己未勅邊將於長安崩野狐嶺及興和迤西至洗馬林凡關外險要之地皆崇石垣深濠塹以防虜寇 庚申寧世子磐斌還國加賜遣之并賜其從官鈔有

差 灤州樂亭縣縣丞楊真言北京人民在各衛為兵者或死或徒戶無餘丁遺孤嫠老無依甚可哀憫伏望給與口餉遣還故土就親存活從之 辛酉改汾州治為慶成王府 陸國子監助教具泰為北京國子監司業 禮部言淳泥國王遐旺偕其母妻等來朝 已至福建命遣郎中高謙行人柳昌往宴勞之脩廣東新會縣圩岸二千餘丈 壬戌山東定陶河南中牟等縣耆民詣闕謝賑濟

上諭戶部臣曰天子以天下為家則以天下為休戚比念民飢令有司發粟賑之此國之恒典况郡縣儲蓄政為民計而使人廢其業遠來恩非朕意也已令止之而今復來並給道里費歸其未至者再移文止之 甲子遣官祭歷代帝王 占城國王占巴得賴遣使部 諛濟標等奉表貢象及方物賜鈔幣有差部 諛奏請冠帶命禮部賜之 乙丑遣官祭太 歲風雲雷雨嶽鎮海瀆山川等神 遣官祭

旗纛 命府軍左衛指揮使聶興子廣羽林
右衛指揮同知李興子斌羽林前衛指揮同
知劉秀子興揚青子順金吾右衛指揮同知
張海子真指揮僉事陳大孫貴虎賁左衛指
揮僉事趙敬子亮各代父祖職故羽林右衛
指揮僉事蕭成弟曾襲兄職 夜有星如盞
大青白色有光出天船東北行入北斗 丙
寅旦壽星見丙位 奴兒干乞列迷伏里其
兀刺曩加而右魯失都哈兀失奚等處女直

野人頭目准土奴塔失等百七十八人來朝
貢方物置只兒蠻兀賴順民囊哈兒右魯滿
涇哈兒蠻塔亭也孫倫可木弗思木十一衛
命准土奴等為指揮千百戶賜誥印冠帶服
衣及鈔幣有差 己巳皇親徐赫匿逃民法
司請罪之 上召赫諭曰疎遠小人尚相戒
守國法不聽違汝乃敢狎思先衆犯法昔中
山王勲親大臣謹守法度不敢縱越分毫故
能流慶子孫汝今縱肆如此豈是受福之道

赫惶恐叩首 上顧法司曰不可以私廢公
治之如律 置山東臨青縣清源驛 庚午
陝西行都司都指揮使昭言前永昌涼州土
韃軍民老的罕等叛逃 聖恩寬宥其罪
愆招使復業然狼子野心不知感德且負前
愧終必携貳今及二年農事不脩惟務整飭
鞍馬結聚偷竊良善苦之今稍移屯長城山
口料其復叛非遠伊爾雖已密為之備然不
早賜區處未免復艱賜勅諭昭曰所奏韃寇

事情朕固測其必叛已勅西寧侯宋瑍豐城
侯李斌嚴防之徒入蘭縣就糧又勅安遠侯
柳升於涼州鎮番防備并令西寧衛土官指
揮李英調精壯土軍赴野馬川備之爾與西
寧侯豐城侯協心併力為關防蓋軍士貴在
有備也 辛未設交趾三江奉化諒江北江
建平建昌鎮蠻七府僧綱司南策武寧嘉林
福安三帶利仁慈廉威蠻八州僧正司北江
交州三江諒江奉化建平六府道紀司威蠻

州道正司 癸酉擢翰林院庶吉士劉翀為
禮科給事中同吏科給事中張瑛國子監學
錄王讓侍 皇太孫說書

上曰朕聞讓孝於其親故擢用之 甲戌致仕
右軍都督僉事趙清言其子琮為府軍後衛
指揮使坐罪謫立功乞寬代之以終養餘年
上憫而從之賜清欵六十錠仍命兵部檢勘功
臣子孫坐視謫戍者悉以名聞 夜有星如
盞大青色光燭地出奎宿旁東南行入天囷

西後三小星隨之 乞亥修居庸關水門

丙子改江西布政司叅政孫浩於廣東布政
司 丁丑 上聞甘肅總兵官西寧侯宋琥
與豐城侯李斌不協賜勅諭琥等曰爾等俱
以重臣膺受邊寄正宜同心協謀以成國事
何得互有猜疑行事之際各懷私見論議紛
紛久而不定自今宜改心易慮務在和協庶
克成功不然或誤邊事罰有所歸 重建天
喜寺 賜交趾僧道法儁等二十三人欵

已卯裁減陝西商南縣縣丞主簿 庚辰其
肅總兵官駙馬都尉西寧侯朱瑄豐城侯李
斌言永昌涼州土韃軍民老的罕等逃叛自
長城山口出向野馬川都指揮滿都何銘等
領兵追及之名戰馬賊死傷亦多老的罕等
以衆遁禽獲叛賊弩荅兒伯顏等男女九百
餘人又調西寧衛土官指揮李英率番兵追
捕戰于討來川斬首三百餘級生禽六十餘
人時夜雪賊遁復追攝盡獲之勅彬等凡番

兵所獲人口就以與之其弩荅兒伯顏等械
送京師 辛巳命錦衣衛指揮使傅閏子全
府軍左衛指揮同知周英子全金吾左衛指
揮僉事馮得子斌代父職時閏等老病不任
事也

太宗文皇帝實錄卷之八十四 十年七月至八月

太宗文皇帝實錄卷之八十五

永樂十年九月癸未朔湖廣黃梅縣耆民言
縣臨大江舊有圩岸百二十餘里洪武中嘗
脩築之今夏淋雨江水泛溢圩岸坍塌傷民
田千八百二十餘頃請以闔郡丁夫修築從
之 乙酉設山東濟寧州之濟安埧交趾未
通縣之那奴村巡檢司古隴縣之小閔驛
戍子勅宣府總兵官武安侯鄭亨曰將士久
勞于外今秋穀已收邊備亦具可率師還京

設山東清平縣之清陽驛 庚寅谷王穗
第五子生賜名賦炯 辛卯重陽節賜文武
群臣宴 勅兵部天下衛所軍職自今日以
前犯笞杖 徒流當充軍及立功者已未發
落悉復舊職月給半俸仍於本處立功侯有
功給俸 甲午 上聞天壽山夫將有亡歿
者親為文遣官賜祭命僧修齋三晝夜資薦
有司亟骨歸葬鄉里仍復其家二年浚松江
府上海縣蟠龍江袤十里廣十丈 乙未除

廣西潯貴等府縣糧三千六百石有奇蓋以
徭蠻作亂民被騷擾故也 丙申封秦隱王
長子志瓌為秦王設交趾交州北江二府陰
陽學 工部主事簡芳言天下之水為河為
大故水患為河為甚今於中灤分導河流使
由故道北入於海河南之民免於昏墊誠萬
世之利然緣河新築護岸埽座止用蒲繩泥
草不能經久臣愚以為若用木編成大囤若
欄圈然置之水中以椿木釘之中實以石却

以橫木貫於椿表牽築隄上則水可以殺隄
可以固而河患可息如克臣所言乞令河南
近河府衛徵軍民於農隙採木春和修砌從
之 都察院右副都御史王彰劾奏山西布
政司左叅政河深貪淫不律等事 皇太子
令下之獄 丁酉滿刺加國王拜里迷蘇刺
姪西里撒麻蘭札牙等辭歸賜鈔幣有差仍
遣中官甘泉往賜拜里迷速刺錦綺紗羅絲
帛 湖廣高羅安撫司木柵長官司各遣人

貢方物賜鈔幣遣還 戊戌喃渤利國馬哈
麻沙蘇門答刺國王宰奴里阿必丁各遣使
貢方賜其使襲衣仍命禮部賜國王印誥及
錦綺紗羅絲帛 都指揮使楊興老疾請以
子代時於例政當襲興舊職指揮使 上念
興勞深特陞政為大寧都司都指揮使陞金
吾左衛指揮同知童顏金吾左衛指揮同知
張斌俱為指揮使金吾右衛指揮僉事揚廣
濟陽衛指揮僉事劉海大興左衛指揮僉事

張忠俱為指揮同知金吾右衛正千戶高昇
燕山右衛正千戶郭黑馱俱為指揮僉事
命故指揮使夏靖子敬龍父原職羽林前衛
指揮使羽林左衛指揮同知劉軫子順府軍
衛指揮僉事劉聚子旺皆職父職 己亥勅
鎮守遼東都督等曰近指揮孫觀保自瓦剌
軍馬望東南行欲罷阿魯台未審然否但邊
上當嚴固守備不可怠忽 擢監生吳文吳
克聰為監察御史 壬寅寧陵郡主薨訃聞

賜祭命有司治喪 主周定王第九女也

甲辰陞工部主事藺芳為本部右侍郎初

芳為吉安府知府坐事謫為辦事官專治河
渠以通漕運累有建明既還授都水清吏司
主事至是尚書宋禮薦其才故有是命 北
京行後軍都督府言宣府興和等處城垣圯
堡坍塌遂勅宣府總兵官武安侯鄭亨曰前
勅爾領軍還北京如已還可別選兵五百仍
領去各處巡視閔隘圯堡凡衝要處有坍塌

者即疊石甃砌或以土築務在監固冬寒已
近宜早用工 乙巳陞大理寺左寺正張斌
福建道監察御史顧佐為江西按察司副使
左寺副彭達河南道監察御史任壇行人刁
鵬為僉事 擢山東昌邑縣學訓導戴綸為
禮科給事中侍 皇太子說書夜有星如鷄
子大青白色出婁宿旁西南行入危宿 丙
午以會通河開羊山東濟寧州之東門東平
州之東平汶上東阿銅城東昌府之荏平高

唐息縣巢陵九通運所 夜有星大如盞光
燭地出奎宿南西南行入壘壁陣東 丁未
淳泥國王遐旺等入朝貢方物自王以下皆
賜龍衣命禮部宴之會同館光祿寺旦暮給
酒饌 戊申宴淳泥國王遐旺等于奉天門
賜王之母宴于前三公府 庚戌賜淳泥國
王遐旺等宴別賜宴其母 冬十月癸丑朔
享 太廟甲寅脩山東安丘縣紅河等處水
決隄岸 戊午初平江伯陳瑄言蘇州府嘉

定縣瀕海之瘡正當江流衝舟停泊之所其地平迤無大高山巽漕舟於此或值風濤觸堅膠淺輒致傾覆乞於縣之清浦築土為山立堠表職從之命有司徵軍夫令瑄都其從仍勅瑄曰若工難成且速餽運無失風堠候農隙為之至是成方百丈高三十餘丈賜名寶山上親製碑文紀之宣府總兵官武安侯鄭亨等請調大同前衛帶管東勝衛中左所中前所陽和衛帶管東勝衛前前所俱

於大同左衛增益守備從之修揚州府海門縣捍潮隄岸縣故有隄東抵海南並江延袤百三十餘里年久決潰有司奏請修築上命平江伯陳瑄督丁夫四十萬築之計萬八千餘丈已未勅刑部都察院大理寺出繫囚之輕者輸作贖罪有病令順天府追醫療之因論之曰古人不得已而用刑故常存欵恤後世以治刑為能事則必流於刻刻吏為朝廷歎怨於平民卿等不宜有此有此者宜

速改之 老撾宣尉司宣尉使刀線歹絨錦
綺羅各五匹 雲南孟良府土官知府刀交
遣頭目板連等進象馬賜板連等鈇各四十
錠羅綺各二紉一命禮部賜刀交綺羅各七
匹紉四匹 庚申復設湖廣南甯州以彭計
才為知州初計才之父萬滿為南甯州知州
後以土人作亂戶口損耗而萬滿亦歿遂革
之以其地隸永順軍民宣尉司至是以計才
能安輯土民故有是命 遼海衛指揮使王

謹等百六十六人奉命招諭奴而于還賜鈇
幣表裏有差所招野人女直付羊古等悉授
督罕河衛指揮千戶等官有言願居遼東開
原者從之循例給賜 癸亥命鎮守交趾都
督韓觀督運廣東糧萬赴趾給軍食 甲子
陞大理寺右寺副祝寧為山東按察司副使
山西道監察御史沈懋為陝西按察司副使
陝西道監察御史何器山西道監察御史楊
純進士呂旦為僉事江西道監察御史李祥

廣西道監察御史陳夷為廣東按察司副使
刑部主事李攷兵部主事李約為僉事山西
道監察御史李素為湖廣按察司僉事刑部
主張傑為江西按察司僉事丁寧嚴梅為福
建按察司僉事改湖廣按察司副使劉子敏
為廣東按察司副使擢監生顧立鄒烜李弘
蕭原祝昇為監察御史 遣使賫勅撫諭底
里國王馬哈木納撲兒國王亦不剌金各賜
絨錦金織文綺綵絹等物 乙丑府軍右衛

軍人劉士文妻曹氏一產三男事文命循例
優給夜月掩犯昴宿 丁卯命皇太孫演武
于方山是日甘露降方山遂採以進群臣
表賀 置遼東境外滿涇等四十五站勅其
隄嶺那可孟常等曰朝廷設奴兒干都司并
各衛凡使命往來所經之地舊有站赤者復
設各站頭目悉恭命母急 巡按四川監察
御史滕宗智劾奏四川按察使譚友得材質
庸下行止汙濁不可以玷風紀命都察院治

其罪擢御史石璫為四川按察使 戊辰

車駕狩城南武岡 壬申命故羽林前衛指揮

使胡海子興姚成子貴虎賁左衛指揮同知

李成子得指揮僉事劉彥子亮俱罷父職

以水災免淝江烏程歸安長興林海等縣糧

十七萬四千五百石有奇 浚山東平度州

濰縣白狼河 刑部左侍郎盧祥卒祥琢州

房山人洪武三十年由國子生生擢刑部郎

中達文中坐事免官家居 上初起義祥入

見命往保定募壯士得萬餘人從之 上嘉

之 永樂元年命署順天府事尋擢北平布政

司右叅議後陞侍郎於政事蓋碌碌未有建

明云 丙子陞陝西行都司都指揮使張遠

為右軍都督僉事仍掌陝西行都司事 丁

丑山西繁峙縣進嘉禾五百八十本 三法

司奏有軍病妻不治湯藥而數毆詈其夫姑

責之又擊踣其姑鞠問俱狀當就刑不孝之

罪至重刑科給事中不應循例止之欲再覆

奏給事中亦應有罪 上曰朕嘗命刑利凡
決重囚必再三覆奏或事有冤抑得為伸雪
非彼擅上之也此婦無可生之理即如法誅
之給事中無罪 戊寅交阯總兵官英國公
張輔軍至乂安府土黃縣惡江搜捕偽火保
潘季祐等賊衆文之皆走匿季祐亦竄可雷
山遣子僚請降遂給榜招之季祐父子遂與
偽官吳敢等十七人詣軍門降輔承勅授季
祐交阯按察司副使管乂安府招撫軍民已
而偽將軍知府觀察安撫招討等使陳敏阮
士勤陳全昂陳全敏陳立阮棹等相繼皆降
庚辰命湖廣江西及鎮江等府衛造
海運船百三十艘 辛巳改福建按察司副
使樊或為大僕寺少卿

太宗文皇帝實錄卷之八十五

太宗文皇帝實錄卷之八十六

永樂十年十一月壬午朔欽天監進永樂十

一年大統歷 上御奉天殿受之頒賜諸王

及文武群臣 其爾總兵官駙馬都尉西寧

宋琥言北叛寇老的罕等走依赤斤蒙右衛

指揮蒼刀尼亟遣人索之塔力尼匿不發此

賊亮悖不除將為邊患 上命右春坊右庶

子兼翰林院侍講楊榮往陝西同豐城侯李

彬詣其爾經畧之 癸未通政趙居任奏蘇

州有逃軍言今年水潦傷田禾乞免秋糧究
此人在鄉所行率不法且今歲蘇田少水而
奸民多私決隄防車水如田以壞禾稼冀苟
免稅糧耳請俱罪之 上諭戶部臣曰言水
潦者果逃軍可止罪逃軍罪其言決隄車水
求免稅糧恐無是理蓋與其勞力決隄車水
曷若勞力治田田中所入十分以一分入官
有九分入己豈肯以一廢九自受飢餓耶殆
非人情且前時浙江按察司亦嘗言浙西水

潦趙居任不恤民隱今居任此言未可信仍
遣官往視之 甲申勅甘肅總兵官駙馬都

尉西寧侯宋琥曰西寧衛指揮李英能効勞
勦戡叛寇其陞為都指揮僉事餘將士有功
者各陞一級並給賜賚有功劳異等者別具
來聞當加優賞 命金吾左衛指揮使劉原
子剛指揮同知李成子榮陳克端子正金吾
右衛指揮使羅成姪敏指揮同知任忠子旺
府軍衛指揮同知胡成子海代職以成等老

病不任事也命旗手衛故指揮僉事張成子
勝襲父職 以旱災免湖廣湘陰縣糧千八
百二十餘石廣東海康遂溪二縣糧四千三
百餘石 乙酉戶部郎中李冲為河南布政
司左叅政禮部郎中高謙為右叅政主事崔
贊為右叅議福建道御史李時秀為河南按
察司副使河南道御史文振浙江道御史劉
先為僉事改湖廣按察使曹崇為陝西按察
使擢監生苗貫謝庸熊傑童貞吳銘張達雷

恭解昌党繼周尚實為監察御史 上諭之
曰佐方岳任風紀皆要職當慎操履務長厚
戒刻薄上不損國體下有利於民庶幾不負
所命若逞貪虐民瘼官廢事身名俱喪矣其
往勉之 兀里奚山等衛女直野人頭目歡
只忽等來朝命為指揮千百戶賜予有差
丙戌脩揚州府儀真縣綠江隄岸及浚夾港
等處河道 肥河衛指揮僉事木荅哈奏原
居遼東東寧衛阿剌山衛指揮伯塔木等願

居安樂自在州並從之賜予如例 丁亥開
州民父子三人自陳受國家恩得安處田里
無所補報今天壽山營造驛父子同往効力
上曰得無別有所為乎命戶部審之還奏父子
別無所為報効盖出誠意 上召至廷諭之
曰爾意誠善為夫民欲報國恩不但効力役
若能安分循理務本棄末脩孝弟忠信之行
和於家厚於鄉遵奉教令不犯刑辟使鄉里
做效悉為善人如此即是報國何必出力汝

歸勉之見鄉人老少亦以朕言諭之 孟誥
土官刀猛甫等遣其屬貢馬及方物賜之錦
綺紗羅綵纈 戊子命兵部及五軍都督府

自今武官子弟襲職者循洪武故事初比試
不中許襲職支半俸逾二年復試中支全俸
不中仍減半又二年亦如之三試不中發充
軍先是 上以襲職子弟生於處養習於驕
惰不閑武事濫嗣祿爵無益國家命一試不
中戍開平再試不中戍交趾三試不中戍烟

瘴之地以警勵之至是寬宥之命從舊制又
曰在營生長者循此例若自田里間出未嘗
習弓騎者不可遽責其成頃一歲中十試之

庚寅賜淳泥國王遐旺冠帶金織文綺衣
并賜其母冠服其叔及頭目冠帶通政司
奏有老婦告前夫之子不能供養請治其不
孝罪上問是親生之子否對曰此婦與前
夫亦是繼室蓋此子之繼母也上曰所謂子
母無絕道者非謂繼母今繼母改適即義可

絕已失節於夫迺責人不能盡孝所言勿聽

戶部言雲南麗江軍民府通安縣民飢請
以所貯課程小麥賑給從之辛卯冬至

上御奉天殿受朝賀大宴文武群臣及四夷朝
使丙申遣太監鄭和等齎勅往賜滿剌加
爪哇占城蘇門答剌阿魯柯枝右里喃渤利
彭亨急蘭丹加異勒忽魯謨斯比刺溜山孫
刺諸國王錦綺紗羅綵絹等物有差丁酉
山東都指揮僉事李凱等督運衛輝等處糧

百六十五萬九千二百七十餘石至北京
戊戌北京行大僕寺卿楊砥言吳橋東光興
濟交河諸縣及天津等衛也雨水決隄傷稼
切見德州良店驛東南二十五里有黃河故
道州南有土河與舊河通若於二處開河置
閘則水勢分可以便民時土河已命置閘
上令工部侍郎蘭芳往經理之 都察院左副
都御史李慶等劾奏河南都司布政司按察
司官坐視河決為患不奏幸蒙恩宥令躬督

修治又轉委僚屬而不親行以致軍民勞而
無功 上曰下不卹民患上不奉君命其治
之如法 河間府獻縣言夏雨霖淫西山暴
水衝決 真定之饒陽武強恭儉等處隄岸
滄沒田廬乞集夫修築後之 辛丑 上謂
兵部尚書金忠等曰今各衛養馬官軍怙執
肆強往往就田間牧放蹂踐禾稼民稍有言
即加搏繫民甚不堪其下軍衛嚴加禁約仍
行按治御史巡撫犯者并本伍頭目悉罪之

宴淳化國王遐旺等

壬寅命揚州等衛

造海風船六十一艘

戶科都給事中胡濙

奏功見陝西所屬府州縣通年收積馬草因
布政司奏盤折數百萬束皆作侵欺之數見
蒙朝廷差官追倍此草蓋因支用數少露地
堆積年深雨雹淋壞及盤點之際不下數十
百人蹂踐朽爛今作侵欺追徵民有不堪兼
今年亢旱農種顆粒不收伏望寬恤 上命
戶部遣官賑濟所虧折馬草悉免追 癸卯

洮州衛所鎮撫陳恭言侍衛防禁宜嚴外夷
異類之人不宜宥左右玄宗幾喪唐室徽欽
幾絕宋祚夷狄之患可為明鑒 上覽畢以
示群臣曰所言禁衛宜嚴甚是但天之生才
何地無之為軍用人但當明其賢否何必分
別彼此其人果賢則信任之非賢雖至親亦
不可用漢武帝用金日磾唐太宗用阿史那
社尒蓋知其人之賢也若玄宗寵任安祿山
致播遷之禍豈是不明之人宋徽宗自是寵

任小人荒縱無度以致夷狄之禍豈因用夷
狄之人致敗春秋之法夷而入於忠國則忠
國之朕為天下主覆載之內但有賢才用之
不棄近世胡元分別彼此柄用蒙古韃靼而
外漢人南人以致滅亡豈非明鑒禮部尚書
呂震請加恭妄言罪上曰恭之心本是忠
朝廷但未深思耳豈可罪朕恒語卿等言事
之人有乖謬當容之罪之則言路塞人君無
由得聞善道爾為大臣此言亦非忠矣乙

已考即兀衛副千戶兀魯不花乞於北京居
住從之賚予循例丙午賜慶城王濟炫寧
化王濟煥廣昌王濟煇鈔各四千錠米各百
石修廣西潯州衛城池浚江府京口新港
其露三卷達于江已酉命府軍右衛指揮
同知審成子慶大興在衛指揮僉事王伏用
子諒金吾右衛指揮僉事揚才子清代職以
成等老疾請聞故也遼東都指揮同知巫
凱等奏建州衛都指揮李顯忠指揮李亨速

趙歹都剷不顏等悉挈家建州居住歲侵乏食上命發倉粟賑之庚戌陞署山西布

政司左叅議事監察御史陳瓚為左叅政

十二月壬子朔上視牲南郊復命工部

尚書宋禮採木四川廣西都督揮葛森奏勦

補平樂蠻賊莫顏恭等斬首三百餘級初彥

恭等聚衆劫殺良民上命森進討至是平

癸丑大寧都督揮使揚政於浙江都司

擢進士周文襄為河南布政司左布政使黃

澤為左叅政陳祚為右叅議監生梁通為河

南按察使進士楊政監生劉智為副使甲

寅擢監生游禔為戶科給事中專掌北京皇

城四門勘合脩靜海縣至清縣河隄四

川安縣言縣歲徵茶七萬三千三百八十四

斤比年茶株枯死採納不敷乞茶課折鈔從

之丁賜皇孫生賜名瞻塙趙王高燧第二

子也戊午勅武義伯王通天壽山夫匠得

代者令原管官領回有司給行糧病者予醫

樂 己未臘日賜文武群臣宴 癸亥勅宣
府總兵官武安侯鄭亨等曰今使臣自北還
言阿魯台移近開平遣人來貢虜性無常不
可不備宜遣人自山海至居庸自黑峪車坊
至大同各處嚴守關隘若洗馬林魚臺崩地
平無險阻處尤宜加意洪武中邊備嚴謹而
故寇乃兒不花僅三百人徑至永平殺守將
雙刀劉比年邊將踈令不嚴軍士縱弛而虜
已有衆人萬餘必須謹防而預備之 保定

府安仁奏大雨決直亭等河口八十九處計
用六千三百人脩築一月可完 上以天氣
寒洩命俟春暖築之 甲子暹羅國王昭祿
群膺哆羅諦刺遣使坤文琨等奉表貢方物
賜坤文琨等鈔幣有差仍命禮部遣中官洪
保等往賜其王文綺羅帛 丙寅楚王楨第
十子生賜名孟炬 勅寧夏總兵官安遠侯
柳升曰今天寒軍士久勞于外爾即率領還
京陝西大同調來者令還各衛 賜暹羅國

使臣坤文琨等宴 烏思藏尚師昆澤思巴
來朝先遣人進舍利佛像 丁卯刑部右侍
郎張本等言御史張循理擅鞫軍職宜正其
罪從之 己巳以 仁孝皇后梓宮將歸山
陵命工部右侍郎蘭芳通政司右通政樊敬
錦衣衛指揮莊敬等緣途預備頂頂治橋道
具車船 禮部先以 仁孝皇后葬期報各
王府至是各王奏請赴京祭奠 上以道遠
勞人但令遣人來祭 命故陝西行都司都

指揮同知張勇姪宗襲羽林前衛指揮使
後軍都督僉事朱旺卒旺徐州人父海為燕
山左護衛總旗從 上靖難屢著奇績肥河
戰死旺嗣之勇敢有勞力以功累陞金吾左
衛指揮同知永樂八年從征沙漠陞都督僉
事及是卒命禮部祭奠如例 庚午鞬官哈
刺忽刺來歸命烏所鎮撫居北京賜予如例
以水災免湖廣黃州常德二府糧萬九千
五百石河南中牟河內等縣千六百石 辛

未修京城各門城樓 湖廣華容縣言縣安
津等四十六處水決隄防傷民禾稼方今農
隙可以脩築然本縣民少未易成功 上曰
東作在邇亟發旁縣民丁併力脩之 壬申
皇孫生趙王高燧第三子也 命都指揮僉
事魏春子讓代為濟州衛指揮使羽林前衛
指揮使李彬孫盛劉興孫友才指揮僉事方
景子毅羽林左衛指揮同知白玉子福羽林
右衛指揮同知張海子榮燕山左衛指揮使

杜林子智金吾後衛指揮使宿信子貴金吾
右衛指揮使姚成子信指揮同知趙真子義
指揮僉事張得琳子王蔣義子習金吾左衛
指揮同知王廣子信向忠子斌揚大子信金
吾前衛指揮僉事劉彥深子海府軍右衛指
揮使楊威子貴府軍後衛指揮同知呂中子
勝濟陽衛指揮僉事王璟子禎代襲皆以父
祖老疾致仕故也命故大興左衛指揮使陸
貴子勝旗手衛指揮同知尚和弟德羽林前

衛指揮同知白義子歹都大興左衛指揮同
知冉脫孫不花子保羽林前衛指揮僉事栗
虎從姪宗襲職 戶部言邳州今歲淫雨傷
稼民乏食命監察御史乘傳往賑之陞辭諭
之曰民命朝不保夕爾往當如救焚拯溺不
可頃刻稽滯 癸酉陞陝西都指揮同知張
麟為都指揮使鎮守寧夏命都指揮使孫霖
副之 甲戌陞彭城衛指揮使張興為遼東
都指揮僉事 乙亥以明年巡狩北京勅山

東等都司中都留守司直隸揚州等衛選精
銳騎士及步卒各委官管領赴徐州等處駐
劄俟車駕至扈山東都司及童關衛駐德州
湖廣都司及睢陽揚州淮安各衛駐徐州陝
西山西都司駐真定邳州沂州各衛駐濟寧
中都留守司及宿州徐州衛各駐本處皆給
行糧及賜鈔為道里費 丙子立春 上御
奉天殿文武群臣行賀禮賜宴 丁亥改山
東都指揮使王真於遼都司 韓鞞太師阿

魯台遣所部把秃荅蘭不花等貢馬二百疋
賜把秃等鈔幣有差 刑部等衙門右侍郎
張本等言御史劉翼同掌道御史袁綱挾讎
非法考訊兵部主事李真致死論以斬罪而
御史陳耘知而不舉律應徒從之 四川銅
梁縣言縣比歲豐登欲置倉以官鈔易粟每
約儲一石遇飢驗口給濟庶幾民無凶年之
患從之 戊寅初甘肅總兵官豐城侯李彬
止兵勿進先是以西寧侯宋琥言赤金蒙右

衛指揮塔力尼匿叛寇老的罕等命翰林院
侍講楊榮詣甘肅與彬商畧發兵伐塔力尼
彬謂叛寇固當誅戮但軍道路險惡難于餽
運榮亦謂隆冬非用兵之時且有罪不過數
人官軍所至不免濫及無辜彬猶豫榮請自
歸奏之既至見 上具言所以未可進兵之
故遂勅止彬勿進又遣人賫勅諭塔力尼曰
爾等歸順朝廷以來絕無瑕釁今乃容納叛
寇老的罕等甚非計也蓋朕待此賊素厚竟

負恩而叛負恩之人何可與居爾勿貪末利
自貽^他滅譬如人身本無疾病乃灼艾加鍼以
成創痍爾宜審之如能禽老的罕等送來當
行賞賚不然發兵討叛非赤金之利 朝鮮
國王李芳遠遣陪臣李從幾等貢方物賀明
年正旦賜賚如例 己卯命禮部鑄行在通
政使司光祿寺太常寺鴻臚寺翰林院太醫
院欽天監尚寶司六科中書舍人六部清吏
司都察院十三道并各衙門首領官印 庚

辰享 太廟

是歲天下戶一千九十九萬

二千四百三十六口六千五百二十七萬七
千六百三十三賦稅糧三千四百六十一萬
二千六百九十二石布帛二十九萬二千五
百一十九匹絲綿三十八萬二千九百七十
斤綿花絨一十三萬八千一百五十六斤鈔
三百二十萬五千二百四十七錠金五十兩
銀二十三萬七千一百二十六兩銅二千八
百四十三斤鐵七萬九千七百九斤鉛二十

一萬二千三百五十一斤硃砂一千五百七十九兩
兩海肥三十四萬一千一百四十四索
茶一百九十九萬七千四百四十二斤
益一百四十萬一千一百七引
屯田子粒一千一百七十八萬一千三百三十石
馬十八萬一千一百四十四匹
魏運北京糧二百四十八萬七千一百八十八石

太宗文皇帝實錄卷之八十六

道